

TE HEEHURAA API

I neia i te piha neneiraa na te Ekalesia a Iesu Mesia i te Feia
Mo'a i te Mau Mahana Hopea Nei i Papeete, Tahiti.
i te mau fenua Sotaiete i te mau ava'e atoa.
Te hoo e piti farane i te matahiti hoê.

Nu. 12.

Ditema 1931.

Mat. 25.

*Ia Pare Paraita Faufaa
I fafau hia Mai.
E Tiaatiraa Teie.*

I ie po'ipo'i a'era ua roaa ia'na te hoê Buka a Moromona e ua tai'o oia i te reira. Ua tai'o noa oia i te reira i te mahana taatoa e aore oia i hinaaro i te haere e tamaa. Ia tae i te pô, aore oia i taoto, ua tai'o noa oia, e a na reira noa'i oia ua tae te varua o te Fatu ia'na no te faaiteraa ia'na e, e parau mau taua Buka ra. Ua oaoa oia no te mau oaoa ta'na i faarue e ua tupu to'na hinaaro i te farerei i te taata tei iriti i taua Buka ra.

Ua haere oia i te fare o Iosepha, ua reva ra te Pero-pheta i Penesivania (Pensilvania). Ua farerei ra oia ia Haeramu Semita, e ua a'o Haeramu i te Evanelia ia'na.

I to Pare iteraa e ua faaho'i faahou hia mai te Mana Mo'a e ua oti ia'na te Buka a Moromona i te tai'o, ua ma-na'o ihora oia e, aore e tia ia'na ia poro haere i te Evanelia maori ra ia farii oia i teie Evanelia apî e ia roaa ia'na te

mana ia a'o atu i te reira. Ua farerei oia ia Iosepha e ua baptizohia oia i te mataeinaa ra o Seneca. Ua faatoro'ahia oia ei peresibutero e ua haamata ihora oia i te poro haere i ie Evanelia. Ia oti ta'na ohipa, ta te varua a te Fatu i faaue ia'na, ho'i atura oia i ta'na vahine ra.

Ua fatata e piti matahiti i muri a'e i te reira, i to'na faaeearaa i Missouri, i roto i te hoê moemoeâ, ua tae mai te hoê taata i mua ia'na tei faaue mai, na roto i te reo puai, ia faaea oia i ta'na ohipa tarai raau, no te mea ua faaineine te Fatu i te hoê ohipa rahi na'na. Ua parau atura o Pare ia'na: "Nahea vau e ite ai e no o mai i te Fatu ra ta oe faaeearaa?" Ua pahono maira te ve'a ia'na: "A pee mai oe ia'u e faaite au ia oe." Ua haere raua na te hoê purumu e tae atu i te vahi huna raa no te tahi mau Ati Nephi i mutaa ihora. Ua maheu ihora te hoê o teie mau menema e ua ore te i'o o teie nei taata e ua riro oia ei ivi ana'e i roto i teie nei menema. I te reira taima ite atura o Pare e no o mai i tei pohe tana reo ra. Ua na ô atura oia: "Atira ia, ua ite au e no ô mai i te Fatu taua faaueraa ra. A ho'i mai oe ia paraparau taua." Haere maira oia, mai te menema maira, ma to'na huru taata ihora, e ua paraparau raua o Pare i te mau mea e rave rahi.

I te pae hopea o taua matahiti ra, te faatere ra Pare i te mau haapiiraa e te haere ra oia e farerei haere i te feia ma'i mai te tauturu i te Feia Mo'a. Ua haapaohia te hoê haapiiraa na te mau peresibutero e na'na i faatere i te reira. Ua hapaohia teie haapiiraa i te vahi uru raau, e i reira ratou i pure ai e i a'o ai i te Evanelia e i tohu mai ai, mai te au i te varua i roto ia ratou. E na raro noa o Pare Paraita i te haere i taua vahi ra tei tae i te ono maile i te atea, e i te tahi mau taima aore to'na e tiaa i te haereraa. I te reira taima ua farii Iosepea Semita i te hoê heheuraa, no ô mai i te Fatu ra, tei faaite i to'na mauruuru ia Pare Paraita no ta'na

ohipa. I te hoê taime ua haere Pare Paraita i te mau Amaa mai te ani i te tauturu no te Feia Mo'a i Misou,i; Ua pou maira oia no ni'a mai i ta'na puaahorofenua e ua taoto oia i te pae aratia. Aita i maoro to'na taotoraa faaroo atura oia i te hoê reo tei na o mai e: "A tia e a haere i to tere." Ua tia o'io'i oia mai te maere e i te feruri i ta'na ohipa. I to'na faaiteraa i te reira ia Iosepha, ua parau maira Iosepha e, o te hoê melahi o te Fatu tei parau ia'na.

I te hoê taime, i te matahiti 1838, ua afaihia oia i te fare auri e te hoê mau enemî no te Feia Mo'a. Ua tuuhia oia ia haere i rapae au e maa taime iti. Ua mana'o oia e e haere tiama oia i to'na utuafare ia farerei i ta'na vahine e i ta'na mau tamarîi. Ua ite oia e, e tîtî oia no te fare auri, e ia hoi atu oia, aore oia i ite i te hora e pupuhihia'i oia e te mau enemî, e mai te mea e haere tiama oia; e ia hoi atu oia ia Calarata (Général Clark) e taata haavare oia. Ua parau maira te varua ino ia'na: "A haere tiama." Ua na o maira o Pare: "Eita roa ia, a vai ai Iosepha ma ei tîtî na te enemî; noa'tu i te peapea e te pohe ta matou e farii." Ua hoi faahou oia i te fare auri; i to'na tomoraa i roto ua ui te tia i ia'na: "Nohea mai oe." Ua pahono mai oia: "No i o a'e mai i te ori haere noa raa."

*Te Hamu No Te Evanelia
O Te Mesia*

[E Tuatiraa Teie Nei Parau.]

*Te Evanelia i a'ohia i te
Ao Varua.*

Ua haapîi maira Iesu e e a'ohia te Evanelia i te feia i pohe ia faaroo ratou i te reira, tei ore i faaroohia e ratou i te tino tahuti nei, e ia haapao hoi ratou. (Ioane 5: 25, 28)

“ Amene, Amene, e parau atu vau ia outou, ua fatata e teie nei â te hora e faaroo ai te pohe i te reo o te Tamaiti a te Atua, e te faaroo ra, e ora ia. - - - Eiaha e maere i te reira; te fatata mai nei hoi te hora e faaroo ai te feia atoa i roto i te apoo ra i to'na reo.”

Ua papu ta Iesu i parau mai, oia hoi, te feia pohe atoa, te feia i roto i te apoo, e faaroo ratou i to'na reo, e tei haapao ia'na e haamaitahia ratou, e e ora iho â ia. I roto i te pene III o te I Petero, i te irava 19-20, te faaite mai nei Petero e,ua haere o Iesu e poro i te Evanelia i te feia i roto i ie tapearaa, tei ore i haapao i mutaa ihora, e teie taua parau ra: “ O ta'na ia i a'o atu i te mau varua e vai i roto i te tapearaa i teie nei, o tei ore i faaroo i mutaa ihora, i te faa-oromai roa a te Atua a tia i te anotau ia Noa ra, i te tarai-raa i te pahi ra, ” E i te pene 4, irava 6, ua faaite mai o Petero i te tumu o Iesu i a'o atu ai ia ratou, eiaba ra ia ratou ana'e, i te feia pohe atoa, ia haavahia ratou mai te feia ora nei. Na ô mai te papairaa: “ I parau atoa hia'tu ai hoi te evanelia i te feia pohe ra, i faahapahia'tu ai ratou e te taa-ta i te tino ra, te ora râ ratou i te Atua i te varua ra.”

No reira, te feia pohe tei farii i te evanelia, e haavahia ratou mai te feia te faaroo i te evanelia i roto i te tino nei, area ra, na ô mai Iesu, tei ore ia fanau i te pape e te varua e ore oia e ô i te Basileia o te Atua, E Atua tia roa râ to tatou, e ua tuu mai oia te ravea e ô ai ratou i te basileia, oia hoi, na roto i te bapetizoraa no te feia i pohe. Ua na ô mai Paulo i roto i te I Korinetia pene 15, iaava 29: “ Eaha ihora te feia i bapetizohia no te feia i pohe ra, ia ore roa te feia i pohe ra ia tia faahou ? eaha ihora ratou i bapetizohia'i no tei pohe ra.”

Ua haapii maira Iesu no te tia faahou raa e te haavaraa mure ore. (Mataio 11: 22-23) “ E riro te tamaiti a te taata nei i te tuuhia'tu i te rima taata e e taparahi pohe roa

ratou ia'na, e faatiahia râ oia i nia ia tae i te ru'i toru ra." E tei roto i te apoo ra, oia hoi te taata atoa, Ioane 5: 29: " E haere mai i rapae, e te feia i mau na i te parau maitai ra, e tia mai ia e rave i te ora; e te feia hoi te mau na i te parau ino ra, e tia mai ia e rave i te pohe."

Te mau parau tumu teie no te Evanelia o te Mesia, mai tei faaite hia mai i roto i te Faufaa Api, oia hoi te faaroo, te tatarahapa, te baptizo, te tuu raa i te rima no te horoaraa i te Varua Maitai, te Tia faahouraa, e te Haavaraa Mure ore. Ua haapii atoa Paulo teie mau parau i muri a'e i te poheraa o te Mesia, Ohipa 2: 38-39. " E tatarahapa e ia baptizohia outou atoa i roto i te i'oa o Iesu Mesia ia matara te hara e horoahia mai ia te Varua Maitai ia outou. No outou hoi tei parauhia maira, e no to outou mau tamarii, e no te feia atoa hoi i te atea e ra, ta te Fatu ta to outou Atua i parau atu."

Ua tano hoi te mau haapiiraa ta te mau Aposetolo i haapii atu i ta Iesu Mesia. Area râ, eiaha ia moe ia tatou e te taivaraa ta Paulo i tohu atu i to Tesalonia, teie te tupuraa hou te taeraa piti mai o te Mesia, (II Tesalonia 2: 3). " Eiaha roa outou e vare i te taata atoa, o te taiva te tupu na na mua e tae ai i taua mahana ra, (te mahana o te Mesia ra.) e faaitehia mai hoi taua taata hara ra, o te Tamaiti o te Pohe," Te faaite mai nei te tuatapaparaa e, hoê ahuru u'i i muri a'e i te Mesia, ua ore roa te Mana mau i nia i te ao nei. Ua faahuru e te taata i te baptizoraa, te ravea ana'e e ô ai te taata i te basileia o te Atua, ua faatia te taata i te baptizoraa pipi e e rave rahi atua mau mea.

Area râ, i teie tau hopea nei, ua faatia faahou hia te Ekalesia a Iesu Mesia. Ua afai mai te melahi i te Evanelia mai te ra'i mai, ia Iosepha Semita, e ua faatoroahia oia, raua Olive Taudere i te Autahu'araa mau e Petero, Iakobo e Ioane, te na Aposetolo a Iesu Mesia.

E homa, nahea e nehenehe ai ia faahapa i te reira, no te mea ua tupu mau te mau tohuraa e te faatere nei taua Ekalesia mai te au i ta Iesu iho i faatia i to'na oraraa i te tino nei.

Te Parau mau no te Evanelia.

No reira, te faaite mai nei te parau a te Atua i na parau mau e hoê ahuru.

1. Te vai nei, na roto i te haapaoroa i te Evanelia, te ravea e ora'i te taata atoa,

2. Te vai nei te Mana, ia nehenehe ia faatere e ia rave i te mau oro'a o taua Evanelia ra.

3. Ia faatoroahia i te mau toroa e te tahi tei manahia i taua toroa ra.

4. Ia rave i te mau oro'a no te Evanelia, ua faatia Iesu i te Ekalesia, e ua tunu oia te tahi toroa no te tahi ohipa e te tahi ioroa no te tahi ohipa, ia rave ratou i te ohipa mai to ratou toroa.

5. Ia ravehia teie mau oro'a i te tino tahuti nei e te Varua hoi. Oia hoi no te feia ora e te feia pohe atoa.

6. Ia haapaohia te mau oro'a no te Evanelia o te Mesia i mutaa ihora.

7. Ia tupu te taivaraa hou te tae pitiraa mai o te Mesia e ia ore roa te mana i te taata nei.

8. Na roto i teie taivaraa o te parau tia ore, e tia ia faatia faahou te Ekalesia mau o te Mesia i te Autahu'araa mau, e te mau oro'a mai tei faatiahia i mutaa ihora, no te feia ora e tei pohe hoi.

9. Ia heheu mai te Atua teie Ekalesia, e te mana, e te mau horoaraa, e te mau haamaitairaa, no te faaoraraa i te taata.

10. Ia vai â a muri atu te Ekalesia e te Mana i nia i te mau Tavini o te Atua, i te mau Nunaa atoa, te mau Opu atoa, te mau Reo atoa, e te Feia atoa i nia i te ao nei.

PAPAIHIA E HAREVE

na
mat
Nep
roa
roto
tere
te k
tere
ta i
rato
pal

te f
roa
nui
iho
no
faa
na.

TE HOE REO NO TE REPO MAI

Te Buka A Moromona.

E tuaatiraa teie parau


TO LEHI MA TERERAA MAI I TE FENUA I PARAUHIA.

I te taima ta tatou e parau nei, ei metua ia Lehi e ta'na vahine no'na tamaiti toomaha, e mea haapao ore râ na matahiapo toopiti, o tei tamai noa ia Lehi e ta'na tamaiti o Nephi. Aita te hoê atu â mau tamarii tamahine e te tamaroa i faaite hia i ô nei. E mea taupupu roa to ratou tere na roto i te medebara, e vau matahiti i te maoro, e i to ratou tere noa raa ua farii o Lehi e ta'na tamaiti faaroo o Nephi i te heheuraa e rave rahi, tei faaite mai i te tumu no to ratou tere e te faaite raa mai i te mau ati tei tae i nia iho i te feia ta ratou i faarue i Ieruaalema. I huru maoro rii râ, ua tae ratou i te miti Arabia e i reira ratou i hamani ai i te tahi mau pahi, e haere atura ratou i te fenua Amerika.

TE ATI NEPHI E TE ATI LAMANA

A vai tahoê noa'i ratou, ua manuia ratou i nia iho i te fenua i parauhia ra, mai te au i tei tohuhia mai, e ua rahi roa ratou i nia i te fenua. No to ratou rahi e to ratou manuia, ua tupu te teoteo i roto ia ratou e ua maro ratou ratou iho. Ua maiti te feia parau tia ia Nephi ei aratai no ratou, e no reira ratou i parauhia'i e Ati Nephi. Ua pee ra te feia faaroo ore ia Lamana, e parauhia ihora ratou e e Ati Lamana. O Lamana ra, te matahiapo ia oia no Lehi.

Te Haapapuraa I Te Buka A
Moromona.



E hoho'a â teie tei faaite faahou mai â ia tatou e e parau mau
ihoā te mau parau tei papaihia i roto i te BUKA A MOROMO-
NA, no te mea na te mau taata tahito no Amerika i patu i teie mau
patu maere mau, no te mea aita te mau Initia no teie anotau i ite i
te ohipa paturaa.

Ia maoro rii a'era, ua atea roa teie na pūpū taata e
piti e rahi ihora te riri e te au ore i rotopu ia ratou. Ua ta-

pea rii te Ati Nephi i to ratou ite e riro ihora râ ratou ei feia maramarama; te Ati Lamana ra, no to ratou haapao ore ua riro ratou ei feia poiri e te oviri, e e rave rahi ta ratou mau tama'iraa, e no to ratou huru, ua faautu'ahia ratou i te iri uteute.

Noa'tura, ua manuia e ua rahi te Ati Nephi na roto i te haapaoraa i te mau ture a te Atua mai te au i te horoaraa hia mai ia ratou na roto i te mau parau papai ta ratou i afai mai, mai Ierusalem mai, e taua mau parau ra o te parau ia i roto i te faufaa tahito, mai te haamataraa e tae roa mai i te pae matamua o te Buka a Jeremia e te mau parau tei papaihia e te mau peropheta ta te Atua i faatia i rotopu ia ratou. Ua faarue ratou i te mau mea tia, e no reira, ua faatiahia te Ati Lamana ia riro ratou ei faatere i nia iho ia ratou i te tahi mau taime. Ua horo ratou mai mua'tu i to ratou mau enemi i te pae apatoerau e i te hiti'a o te râ, e no te maoro o te tama'iraa ua tae ratou na te pae rahi o te mau vahi o Amerika i ropn, oia hoi o Mexico, Panama e te U. S.

Ua a'o hia te Evanelia e ua ravehia te mau oro'a i rotopu i te Ati Nephi. Ua parahi atoa mai te Mesia i rotopu ia ratou mai te haapiiraa ia ratou te Evanelia Ora' e te faaite raa'tu ia ratou e, o ratou ia Ta'na i parau i te Ati Iuda e e mamoe ê atu â Ta'u. (Ioane 10: 16).

Mai te matahiti 420 na muri iho ia Iesu, ua topa te Ati Nephi i roto i te mau ino atoa, e no reira, ua taparahihia e ua haamou roa hia ratou e te Ati Lamana. Tei Palmyra, New-York, te tama'iraa hopea a ratou i te tupuraa. Te vai ra te toto o te Ati Nephi i roto i te Ati Lamana, no te mea i te tama'i hopea ua faatitihia te tahi pae o ratou. Ua ora noa te Ati Lamane mai reira mai â e tae roa mai i teie nei â mahana. O ratou ihoa tei itehia e Columabus o te itearaahia o te fenua Amerika. Ei huaai ratou no Iosepha i hoohia i Aiphiti ra.

TE MAU PARAU PAPAI NO TE FENUA AMERIKA.

Mai to Lehi ma faaruerāa i Ierusalemā e tae roa mai i te hopea o to te Ati Nephi parau tuatapapa, ua haapaohia te mau papaa parau e te hoê mau papai parau na ratou e na ratou iho te reira ohipa. Ua faaho'i hia mai te tahi pae o te reira mau papaa parau, mai te Buka a Moromona te huru.

Tei roto i teie Buka to'na iho ite no to'na hoi tiaraa i rotopu i te mau buka atoa. A tai'o na i te reira buka ma te hinaaro i te ite i te mau parau mau i roto ra.

Mai te au i ta te Fatu i tohu mai, na roto i te vaha o Ezekielā, te vai ra te papaa parau no te utuafare o Iosepha, o te riro ei hoê i te papaa parau no Juda, ia vai hoê noa na papaa parau e piti, ia taa rā te vei nei e piti atoa papaa parau. Te faaroo nei matou e, taua papaa parau nei, o te Buka a Moromona ia. Tei te ao atoa nei teie Buka tei iritihia i roto i te mau reo êê e raverahi.

Mai te mea e, ua tia te ite o te mau taata haapiihia no te parau tuatapapa o te Bibilia, ua reva ê mai na o Lehi ma i te fenua Amerika a tohu mai ai o Ezekielā no te raau o Iosepha i taa ê roa i te raau a Juda. Ua tupu teie tohuraa, te Bibilia, oia hoi te raau a Juda e te Buka a Moromona, te raau ia a Iosepha, e na teie na buka e piti e faatia ia raua iho, e te faaite atoa maira raua e piti i te mau parau no te Oraraa e te Tia-faahouraa o te Mesia.

E tuaatihia teie nei parau.

Eiaha oe e oaoa ia hi'a to enemi ra, e ia turori noa oia eiaha to aau ia oaoa; o te hi'o mai Iehova, o te riri oia, e ua ruri ê a'era to'na riri i nia ia'na ra i nia ia oe. (Maseli, 24: 17-18).

Te Mau Parau Api

PARAU API NO TUBUAI MAI

Ua tae mai te para apî, no Tubuai mai, tei faaite mai e, ua oti roa te fare pureraa apî i reira, ua tomohia taua fare pureraa ra i te 4 no Atopa i mairi a'enei. Ua haamatahia te paturaa o taua fare re i te 20 no Atopa M. 1930 e ua faaotihia i te 28 no Setepa 1921, e te rahiraa o te mau mahana tei ravehia i te ohipa e 94 ia. Teie te io'a o te mau taata tei tauturu i te reira ohipa, te mau taeae o Teao, Teriinui, Tinomana, Puaitara, Tiho, Taroa, Tamu, Mata, Viriamu, Mataano, Teata, Paora, Matauira, Huna, Tiho, Maui, Teriihauata, Marii, Ahumaî, Marae, Oata, Mataroa, Taputu, Taroa-tuirani, Tautu, Iotepha, Tuheva, Tihi, Evarii, Tata, Taroa, Toiria, Tahimata, Evarii a Tahuhuataama, Ofare, Turoa, Hititautu, Tahunui, Tehare, Teporou, Teuratanaroa, Tihoura, e te mau Orometua o Tihoti, Toremama, Etua, Lito, Rerani, Teina e o Mitiera.

Te mau tuahine tei tauturu i te maa, o Taema, Tetuanui, Teuruna, Nina, Mere, Roti, Teura, Ata, Tupau, Hahe, Tu, Tehinatapo, Tetuaheohu, Turi, Teta, Teuruhina, Tetua-haauia, Tehina, Nano, Teurarere, Matira. No te raveraa i te maa na te mau tuahiue no Haramea i rave i te matamua, na to Mahu te piti e na to Taahuaia te toru.

TOMORAA FARE PUTUPUTURAA

I te mahana Sabati i mairi a'enei, te 15 no Novema, ua haere te mau taata no te amaa no Papeete i Mataiea no te oro'a tomoraa i te fare putuputuraa i faatiahia i te reira mataeinaa. Ua ravehia taua ohipa ra i te hora 10 i te po'i-po'i e ua mairi hia te io'a ra o Roto Miti i nia iho i taua fare

putuputuraa apî ra; i muri a'e i te reira pureraa ua tamaa te mau taata ma te maitai e te oaoa. I te ahiahi o taua mahana ra ua faatere hia te pureraa oro'a e te haapiiraa na te Feia Apî e ua ravehia teie mau ohipa na roto i te hau i raro a'e i te faatereraa a to tatou Peresidemi o Tihoti Poropiti e te aratairaa a to tatou taeae o Tāhiri a Toriki tei aratai hia, raua toopiti, e te Varua o te Atua.

E FENUA MAERE MAU

Te faaite mai nei te mau parau apî, no roto mai i te radio e, ua tere te hoê taata, e to'na hoa here, mai te fenua Amerika i te fenua Airani (Irlande) no te mataitai haere.

I to raua tae raa i te fenua Airani (Irlande), ua imi raua i te hoê fare tipaeraa maitai e ua iteahia. Ia tae ra raua i roto i taua fare ra, ite atura raua e te vai ra hoê hanere e e pae ahuru piha nehenehe roa, tirara râ hoê noa iho piha hopu raa pape. Ua maere roa raua i te reira huru e no reira ua imi faahou raua i te tahi fare ê. Area ra hoê ana'e huru te mau fare tipaeraa atoa i taua fenna ra, oia hoi, hoê noa iho to ratou piha hopuraa pape; no reira ua faarue o'io'i raua i taua fenua ra e ua tere atu raua i Lonedona (London) i te fenua Baratane. I reira ua iteahia, e raua, te mau fare tipaeraa nehenehe, e ua vai, i roto i te reira mau fare tipaeraa, te piha hopuraa pape i pihaiho i te piha taоторaa.

E ere mai to te fenua Airani (Irlande), hoê piha hopuraa pape no te hoê hanere e e pae ahuru piha taоторaa.

M. BONNET M. Gérant

Angle des rues Bréa et Dumont d'Urville, OROVINI, PAPEETE.